



Մ Ա Յ Ր Ա Թ Ո Ռ Ո Ւ Մ

Հոկտեմբերի 1-ին, կիրակի.—Այսօր ուսուցիչները Մայր Աթոռ են ժամանում ԱՄՆ-ից տ. Տիրան արքեպ. Ներսիսյանը և Մայր Աթոռի բարերարներ տեր և տիկին Հայկ և Ալիս Գալուստյանները:

Հոկտեմբերի 6-ին, ուրբաթ.—Երեկոյան ժամը 19-ին Վեհաբանում, Վեհափառ Հայրապետի բարձր նախագահությամբ, տեղի է ունենում Գերագույն հոգևոր խորհրդի հերթական նիստը:

Հոկտեմբերի 8-ին, կիրակի.—Մայր տաճարում ս. պատարագ է մատուցում տ. Արսեն ծ. վրդ. Բեքբերյանը:

Ս. պատարագին հոգեշունչ քարոզ է խոսում Վեհափառ Հայրապետը:

Երեկոյան ժամը 18-ին հոգևոր ճեմարանի հանդիսությունների սրահում ամերիկահայ բժիշկ Կարո Կարապետյանը «Հիվանդությունների կանխարգելիչ միջոցների մասին» թեմայով դասախոսություն է կարդում հոգևոր ճեմարանի ուսանողությանը:

Դասախոսությունը լավում է մեծ հետաքրքրությամբ: Վերջում տեսուչ տ. Հովհաննես քհն. Մարությանը շնորհակալություն է հայտնում շահեկան դասախոսության համար:

Հոկտեմբերի 14-ին, շաբաթ.—Սրբոց Թարգմանչաց վարդապետացն մերոց Մես-

րոպայ, Եղիշէի, Մովսիսի Քերթոզի, Դաթի Անյաղո փիլիսոփային, Գրիգորի Նարեկացուն և Ներսիսի Կլայեցուն:

Այսօր Օշականի ս. Թարգմանչաց եկեղեցում ս. պատարագ է մատուցում ուսուցիչներ Մայր Աթոռում գտնվող Սկյուդարի ս. Խաչ եկեղեցու տ. Թաթուլ քհն. Մալխասյանը:

«Հայր մեր»-ից առաջ քարոզում է Կ. Պոլսի հայոց ս. Վարդանանց եկեղեցու տ. Հարություն ավագ քհն. Հալաճյանը:

Հոկտեմբերի 14-ին, շաբաթ.—Այսօր, ժամը 17-ին, Մայր տաճար է այցելում Սովետական Միությունում հավատարմագրված օտարերկրյա դիվանագետների մի մեծ խումբ՝ իրենց տիկիններով, խումբ, որը Սովետական Հայաստան էր ժամանել՝ ծանոթանալու մեր երկրի նվաճումներին:

Հարգելի հյուրերին այնուհետև Վեհաբանում ընդունում է և ողջունում Հայոց Հայրապետը:

Նորին Սրբության և մեծահարգ հյուրերի միջև ապա տեղի է ունենում ջերմ զրույց:

Ընդունելության ավարտին, հանուն դիվանագետների, Տախլանդի արտակարգ և լիազոր դեսպան Յուադ Լյուրիտը խորը շնորհակալություն է հայտնում Հայոց Հայրապետին՝ ջերմ ընդունելության և Նորին Սրբության ողջույնի և օրհնության սրտագին խոսքերի համար:

Վեհաբանում հյուրասիրությունից հետո մեծահարգ հյուրերը վառ տպավորությամբ հրաժեշտ են առնում Հայոց Հայրապետից:

Հոկտեմբերի 17-ին, երեքշաբթի.—Այսօր Վեհափառ Հայրապետից հրաժեշտ առնելով Հնդկաստան մեկնեց տ. Տիրան արքեպ. Ներսիսյանը, որը շուրջ երկու շաբաթ ուխտավորաբար գտնվում էր Մայր Աթոռում:

Տ. Տիրան արքեպ. Ներսիսյանը հնդկահայ հոգևորականությանը, ազգային-եկեղեցական և մշակութային կազմակերպության ղեկավարներին և հավատացյալ հայ ժողովրդին կտանի Ամենայն Հայոց Վեհափառ Հայրապետի ողջույններն ու օրհնությունները:

Հոկտեմբերի 22-ին, կիրակի.—Այսօր Մայր տաճարում ս. պատարագ է մատուցում և «Հայր մեր»-ից առաջ քարոզում տ. Հարություն ավագ քհն. Հայաճյալը:

Ս. պատարագին ներկա է լինում Վեհափառ Հայրապետը:

Հավարտ ս. պատարագի Վեհափառն ընդունում է Վեհաբանում Կ. Պոլսից ժամանած մի խումբ ուխտավորների, որոնք քարեպաշտ երկյուղածությամբ և աջահամբույրով ստանում են Նորին Սրբության օրհնությունը:

Հանում պոսահայության և ուխտավորական խմբի դեպի Մայր Աթոռ ս. Էջմիածինը և Ամենայն Հայոց Հայրապետը «ամխախտ հավատարմության, խորը սիրո, անխարդախ հիացման և անկեղծ որդիական երախտագիտական զգացումներում» թարգմանն է հանդիսանում Կարպիս Ուղտրյանը՝ Հայոց Հայրապետին ուղղած իր գեղեցիկ և սրտառու ուղերձով:

Հայոց Հայրապետը խորապես հուզված ու մխիթարված պոսահայ հավատացյալ Իր զավակների որդիական այս անկեղծ ու իրավարտահայտություններից, հետաքրքրվում է նրանց եկեղեցական-հոգևոր կյանքով, օրհնում նրանց ու տալիս հայրապետական Իր պատգամը:

Նույն օրը ս. Ծողակաթ եկեղեցում իր անդրանիկ ս. պատարագն է մատուցում և «Յիշատակն արդարոց օրհնութեամբ եղիցի» բնաբանով քարոզում տ. Գարեգին արք. Ներսիսյանը:

Հոկտեմբերի 26-ին, հինգշաբթի.—Առավոտյան ժամը 11-ին Վեհափառ Հայրապետին է այցելում մայր հայրենիքում ուխտա-

վորաբար գտնվող Կատարյան Դանիել Հ. Անտոնը՝ վիեննական մխիթարյան և հոգևոր հովիվ Բուդապեշտի հունգարահայոց:

Հոկտեմբերի 27-ին, ուրբաթ.—Այսօր, երեկոյան ժամը 19-ին, Վեհաբանում, Վեհափառ Հայրապետի նախագահությամբ, տեղի է ունենում Գերագույն հոգևոր խորհրդի հերթական նիստը:

Նույն օրը հոգևոր ճեմարանում ուխտավորաբար Մայր Աթոռում գտնվող Երուսաղեմի հայոց ս. Հակոբյանց վանքի միաբան տ. Կյուրեղ ծ. վրդ. Գաբրիելյանը մոզակյան լապտերով ցուցադրում է հայկական Երուսաղեմը պատկերող նկարների շարք:

Հոկտեմբերի 28-ին, շաբաթ.—Այսօր Մայր Աթոռ է ժամանում Ռումինիայի և Բուլղարիայի հայոց առաջնորդ տ. Տիրայր եպս. Մարտիկյանը՝ մասնակցելու համար եպիսկոպոսաց ժողովի ծիսական քարեկարգության հանձնաժողովի նիստերին:

Հոկտեմբերի 29-ին, կիրակի.—Գիտ Խաչի.

Մայր տաճարում ս. պատարագ է մատուցում ուխտավորաբար Մայր Աթոռում գտնվող Բուենոս-Այրեսի հայոց ս. Գևորգ եկեղեցու հոգևոր հովիվ տ. Արշամ քհն. Պողոսյանը և «Հայր մեր»-ից առաջ քարոզում «Ամեն ասեմ ձեզ, եթե ոչ անցե ազգս այս մինչև այս ամենայն եղիցի» բնաբանով:

Ս. պատարագին ներկա է լինում նաև Վեհափառ Հայրապետը:

Հոկտեմբերի 30-ին, երեքշաբթի.—Այսօր Մայր Աթոռ են ժամանում Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Մերովքե արքեպ. Մանուկյանը, Հարավային Ամերիկայի հայրապետական պատվիրակ և առաջնորդ տ. Բարգեն արքեպ. Ապատյանը և Լիբանանից տ. Գնել եպս. Ընթերցանը՝ մասնակցելու համար եպիսկոպոսաց ժողովի ծիսական քարեկարգության հանձնաժողովի նիստերին: